

Higher Gaelic (Learners) - Talking - Snowboarding Donna talks about learning to snowboard.

Inns dhomh beagan mu dheidhinn a' chur-seachad ùr agad.

Uill, tha mi a' feuchainn ri ionnsachadh mar a thèid mi air bòrd-sneachda. Tha mi fhèin agus dithis de mo charaidean ga ionnsachadh còmhla. Tha trì leasain air a bhith againn gu ruige seo agus tha mi a' faighinn air adhart glè mhath. Chan eil mi idir a' tuiteam cho tric 's a bha mi!

Carson a thòisich thu air seo ionnsachadh?

Tha mi a' fuireach faisg air beanntan àrda agus bidh mi a' faicinn tòrr dhaoine a' dol suas gu mullach na beinne leis na bùird-sneachda aca. Mar sin, smaoinich mi gum bu chòir dhomh fhèin fheuchainn! Cuideachd, chunnaic mi Geamaichean Oilimpigeach a' Gheamhraidh agus bha daoine a' farpais air bùird-sneachda. Bha e a' coimhead sgoinneil!

A bheil e doirbh a bhith a' falbh air bòrd-sneachda?

Tha e doirbh a' chiad turas a tha thu ga fheuchainn, agus rudeigin eagalach. Tha do dhà chas air a' bhòrd agus tha an sneachda sleamhainn. Thuit mi uabhasach tric air a' chiad leasan, 's dòcha deich tursan! Ach, cleas a h-uile sìon eile, mar as trice a nì thu e, 's ann as fheàrr a bhios tu air.

Am bi thu a' dèanamh spòrs sam bith eile a bharrachd air an seo?

Bithidh. Bidh mi a' cluich ball-coise agus bidh mi ag iomain cuideachd. Is fìor thoigh leam spòrs. Chan eil e inntinneach dìreach a bhith a' cluich an aon seòrsa spòrs fad na h-ùine, tha e math rudan ùra fheuchainn. Chòrdadh e rium ionnsachadh mar a dhèanainn sreap-deighe cuideachd, bhiodh sin math. Tha spòrs cunnartach a' còrdadh rium!